

四庫全書

史部

欽定四庫全書

欽定八旗通志卷二百二十四

人物志一百四

忠義傳十六

蒙古八旗一
天聰五年至順治十七年共六十六人

拜桑武

拜桑武蒙古鑲黃旗人姓扎拉理氏世居烏蘭地

方天聰五年七月以佐領從

太宗文皇帝征明大凌河明監軍道張春率兵來援我兵

奮勇攻擊敵敗走拜桑武率衆追之被傷歿於陣

恩賜雲騎尉世職

承襲詳見世職表

三晉

三晉蒙古鑲黃旗人姓柯勒特氏世居西拉木倫
地方崇德三年隨揚威大將軍多羅貝勒岳託征
明至山東用雲梯兵攻荏平縣首先登城身被重
傷力戰死之

恩賜騎都尉世職

承襲詳見世職表

扈護巴雅拉

扈護巴雅拉蒙古鑲黃旗人姓博爾濟錦氏世居
扎魯特地方任護軍校崇德三年從貝勒岳託征
明擊馮太監侯總兵於豐潤大敗之出邊時明陳
總兵同三太監率兵拒敵扈護巴雅拉力戰歿

恩賜騎都尉世職後遇

恩詔加至二等輕車都尉

承襲詳見
世職表

喇瑪金州

喇瑪金州蒙古鑲黃旗人崇德六年六月大兵征
明圍錦州大敗明兵於松山八月明軍門洪承疇
督諸將率精兵十三萬赴援

太宗文皇帝帥兵親征喇瑪金州以扎薩克王從事焉越
衆先登突圍衝擊戰歿於陣

詔予優卹

賜達爾罕號

恩賜一等伯世職

承襲詳見
封爵表

布齋

布齋蒙古鑲黃旗人崇德六年十月以護軍校隨
大兵征明錦州圍松山杏山松山總督洪承疇出
兵六千夜犯我營布齋奮勇進擊歿於陣

恩賜雲騎尉世職

承襲詳見
世職表

扎叟兒額布亨

扎叟兒額布亨蒙古鑲黃旗人姓科爾孫氏世居
西喇木魯地方於順治元年隨定國大將軍和碩

睿親王多爾袞入山海關擊流賊李自成兵中礮

陣亡

恩賜騎都尉世職

承襲詳見
世職表

巴拜

巴拜蒙古鑲黃旗人姓額爾忒氏世居邁朗古
特地方以護軍校於順治元年從大兵入山海關
擊流賊於昌平州力戰陣亡

賞卹如例

布岱

布岱蒙古鑲黃旗人姓韋默特氏世居翁牛特地方順治二年以二等侍衛奉差往蘇尼特喀爾喀地方遇賊戰歿得

賞銀四百兩

克什特

克什特蒙古鑲黃旗人姓西喇氏世居科爾沁地方任前鋒侍衛崇德八年從奉命大將軍多羅貝

勒阿巴泰攻山東師旋遇明范軍門兵來襲克什
特分兵敗之順治元年從靖遠大將軍和碩英親
王阿濟格征流賊至陝西延安府賊犯我鑲黃正
白兩旗營克什特率前鋒兵助擊敗之又隨大兵
圍荊州同俄謨克圖擊敗其衆進圍承天府同阿
思哈敗流賊六百餘衆至九公山遇賊田國公同
達蘇奮擊敗之復隨都統庫魯克達爾漢阿賴率
兵追賊遇賊兵千餘人擊破之三年隨和碩肅親

王豪格征四川同西忒庫敗流賊賀珍又擊敗流賊張獻忠凱旋時賊躡多羅貝勒尼堪兵後即同胡沙回擊敗之克什特從征多年所至擊斬敵哨甚衆嘗生擒六人以功授雲騎尉世職尋加騎都尉六年正月隨平西大將軍和碩英親王阿濟格征大同叛鎮姜瓖八月攻大同關廟中礮陣亡加

恩賜一雲騎尉世職

承襲詳見世職表

彰吉泰

彰吉泰蒙古正黃旗人姓恭努特氏世居扎魯特地方崇德二年三月以護軍校隨奉命大將軍恭順王孔有德征明攻皮島力戰歿於陣

賞卹如例

彰古

彰古蒙古正黃旗人姓翁古特氏世居扎魯特地方任佐領崇德五年從大兵征明圍錦州松山兵來犯奪我紅衣礮彰古率本旗兵擊敗之旋奉

命於城外挖濠環圍城中騎兵出犯濠塹彰古力戰陣亡

恩賜雲騎尉世職

永襲詳見世職表

博朔岱

博朔岱蒙古正黃旗人姓拜業特氏世居察哈爾

地方以功

賜號綽綸巴圖魯崇德五年以三等侍衛隨大兵征明圍錦

州至松山遇敵兵來拒博朔岱奮勇進擊遂歿於陣

恩賜葬銀五百兩

遣官致祭

羅立

羅立蒙古正黃旗人姓鄂爾沁氏初屬察哈爾林丹汗天聰八年大兵破林丹汗羅立乃攜戶口一百人來歸特授一等輕車都尉世職崇德三年隨楊威大將軍多羅貝勒岳託征明擊敗密雲縣兵六年隨大兵征明錦州掘濠圍城城中悉衆出戰我左翼兵擊之不勝退保濠塹羅立堅守汎地竭

力拒戰歿於陣

恩賜三等男爵

承襲詳見
封爵表

阿布喇庫

阿布喇庫蒙古正黃旗人姓巴林氏世居科爾沁
地方初隨大兵征明攻松山時克敵有功崇德六
年復隨大兵取錦州遇敵衆來拒阿布喇庫大聲
呼噪直衝入斬執纛者奪纛而歸旋隨內大臣宜
爾登擊明經畧洪承疇援兵力戰歿於陣

恩賜騎都尉世職

承襲詳見
世職表

彰庫善

彰庫善蒙古正黃旗人隨父納喀楚自科爾沁來
歸任叅領兼管佐領事崇德六年從征明圍錦州
再敗敵兵於松山明經畧洪承疇率兵來援彰庫
善力戰歿

恩賜雲騎尉世職

承襲詳見
世職表

阿布圖

阿布圖蒙古正黃旗人姓求綽特氏世居西拉木
倫地方順治二年以章京銜同副都統葉赫朱瑪
喇等駐扎杭州率步兵敗偽大學士馬士英又同
諾雲多禮等擊馬士英力戰歿於陣

恩賜雲騎尉世職

永襲詳見
世職表

圖渾

圖渾蒙古正黃旗人姓巴林氏世居察哈爾地方
任護軍校順治二年七月隨平南大將軍多羅順

承郡王勒克德渾征湖廣流賊李自成三年二月
於彛陵州擊賊陣亡

恩賜雲騎尉世職

承襲詳見
世職表

席達

席達蒙古正黃旗人姓科爾沁氏任護軍校順治
五年從大兵平定福建力戰歿於陣

恩賜雲騎尉世職

承襲詳見
世職表

武京

武京蒙古正黃旗人天聰三年隨大兵征明至通州遇敵擊敗之又敗明經畧盧象昇兵六年同護軍統領席特庫征察哈爾至興安伊卡倫斬獲無算崇德六年復從大兵征明破錦州七年授佐領

世職三遇

恩詔加至二等輕車都尉歷官副都統順治九年隨將軍敬謹親王尼堪征湖南流寇張獻忠餘黨戰歿於陣

恩賜一等輕車都尉世職

承襲詳見世職表

魏正

魏正蒙古正黃旗人姓齊岳噶穆克氏自科爾沁來歸天聰三年隨征明至通州敵兵來犯魏正率本旗兵擊敗之又破明經略盧象昇營又隨大兵掠興安生擒哨卒斬獲甚多崇德六年隨攻錦州明經略洪承疇會兵來援立步卒三營魏正率本旗兵擊敗之授雲騎尉世職順治二年以

太宗文皇帝眷顧舊臣加世職為騎都尉三遇

恩詔加至二等輕車都尉任副都統十一年征湖南遇偽秦王孫可望馬步兵於岔路口拒敵力戰陣亡

恩賜世職為一等輕車都尉

承襲詳見世職表

納穆桑額

納穆桑額蒙古正黃旗人姓博爾濟吉特氏世居兀魯特地方二等伯明安之第五子也順治十七年以一等護衛隨安南將軍宗室羅託征福建海寇率本翼兵攻廈門力戰歿於陣從優議卹

恩賜騎都尉兼一雲騎尉世職

承襲詳見世職表

波波圖

波波圖蒙古正白旗人姓席魯特氏世居科爾沁
天命初來歸授騎都尉天聰元年五月從多羅大
貝勒代善等征明錦州力戰陣亡

恩賜輕車都尉世職

承襲詳見世職表

博波圖

博波圖蒙古正白旗人姓石魯特氏世居科爾沁

國初來歸時

恩授三等輕車都尉天聰八年隨攻錦州歿於陣順治初以子明安達理官

恩贈光祿大夫都統二等子

外三

外三蒙古正白旗人順治十年以佐領從征雲南與偽侯李成蛟兵戰於涼水井敗之後從征廣西擊賊於懷集縣陣亡

恩賜雲騎尉世職

承襲詳見世職表

蘇班達理

蘇班達理蒙古正白旗人初任佐領從大兵入關破流賊兵二十萬後攻望都縣在事俱有功順治二年叙功

詔授騎都尉兼一雲騎尉尋進二等輕車都尉卒子班第襲順治十一年班第從征浙江舟山偽英毅伯阮思率舟師三萬來犯同護軍統領尼雅達等力戰

破之順治十四年復從征湖廣荊州江陵等處累著勞績進一等輕車都尉兼一雲騎尉察哈爾布爾尼背叛列烏鎗火礮以拒我師班第率衆破敵事平

恩封三等男予滾布色塞冷襲卒無嗣乾隆十三年奉特旨入昭忠祠

阿哈尼

阿哈尼蒙古正白旗人姓富察氏世居葉赫地方

以驍騎校駐防江寧順治十六年海賊鄭成功破鎮江犯江寧阿哈尼隨官兵擊賊力戰陣亡

恩賜雲騎尉世職

承襲詳見世職表

海色

海色蒙古正紅旗人累戰功授輕車都尉天聰八年隨

太宗文皇帝征大同進攻興普摩衆薄城下先登戰歿
賞卹如例

海色

海色蒙古正紅旗人姓扎魯特氏世居喀爾喀地方天聰八年由閑散從大兵征大同攻王家莊城奮勇力戰歿於陣

恩賜騎都尉世職

承襲詳見世職表

感濟泰

感濟泰蒙古正紅旗人世居喀喇沁地方崇德二年率丁壯四十人來歸授騎都尉世職三年九月

隨楊威大將軍多羅貝勒岳託証明至邊境率雲梯兵攻牆子嶺城力戰陣亡

賞卹如例

拜渾岱

拜渾岱蒙古正紅旗人姓烏朗漢濟爾敏氏世居喀喇沁地方初任佐領崇德六年五月從大兵圍錦州同副都統安達理擊明經略洪承疇援兵陣亡七年

恩賜雲騎尉世職

承襲詳見
世職表

恩克伊

恩克伊蒙古正紅旗人姓巴林氏世居科爾沁地
方任佐領崇德七年三月圍錦州時松山兵犯我
紅衣礮同副都統安達禮擊敗之進攻塔山臺並
有功順治元年隨和碩睿親王多爾袞入山海關
流賊李自成率兵二十萬來犯恩克伊奮勇追擊
遂歿於陣

恩賜騎都尉世職

承襲詳見世職表

珠達色

珠達色蒙古正紅旗人姓薩爾處特氏世居巴林地方順治三年五月以護軍校隨揚威大將軍和碩豫親王多鐸追蘇尼特部落騰機思至扎濟布喇克地方擊土謝圖汗被創陣亡

恩賜雲騎尉世職

承襲詳見世職表

寡檔

寡檔蒙古正紅旗人任護軍校順治三年隨大兵
征山東遇土賊戰歿

賞卹如例

博啟

博啟蒙古正紅旗人任護軍叅領順治十一年從
寧海大將軍都統宜爾德征偽魯王至浙江舟山
擊偽英毅伯阮思總制陳六御等舟師於海上屢
破之十四年叙功授雲騎尉十六年從安南將軍

內大臣達素征福建海寇鄭成功十七年五月攻

廈門陣亡

恩賜騎都尉兼一雲騎尉世職

承襲詳見
世職表

祖大權

祖大權蒙古鑲白旗人天聰五年率其子副將澤
遠來歸崇德八年十二月從征錦州戰歿於陣

恩賜佐領世職

承襲詳見
旗分志

薩門

薩門蒙古鑲白旗人姓烏爾呼諾特氏世居喀喇
沁地方順治元年由閑散隨定國大將軍和碩豫
親王多鐸南征二年六月隨多羅貝勒博洛至江
南用雲梯攻江陰縣先衆登城歿於陣

恩賜騎都尉加一雲騎尉世職

承襲詳見
世職表

諾門達賴

諾門達賴蒙古鑲白旗人姓烏爾哈濟爾默氏世
居伊遜伊馬圖地方順治四年以前鋒叅領從征

湖廣僞王總兵楊總兵等率賊二千來犯隨委署
前鋒統領吳沙擊敗之賊復率兵一萬來犯我營
諾門達賴奮勇進戰被烏鎗傷歿於陣十五年

恩賜雲騎尉世職

永襲詳見
世職表

綽諾

綽諾蒙古鑲白旗人初從征山東用雲梯攻新昌
被傷戰益力遂克其城以功授騎都尉

賜號巴圖魯順治七年

覃恩加雲騎尉世職九年累加至二等輕車都尉十月傷

發卒

承襲詳見
世職表

特木爾

特木爾蒙古鑲紅旗人姓科爾伯蘇氏世居土默
特為察哈爾所屬天聰九年大兵征察哈爾林丹
汗遁特木爾率衆來歸授叅領世職崇德元年十二
月從征朝鮮二年隨忠勲王揚古利於南漢山戰歿

恩賜三等輕車都尉世職

尼拉哈

尼拉哈蒙古鑲紅旗人姓額爾忒特氏世居蒿齊
忒地方以閑散隨大兵征山東攻獲鹿縣首先登
城破之授雲騎尉崇德四年隨都統馬拉希進山
海關率馬步兵擊敗流賊兵二十萬叙功加一雲
騎尉改為騎都尉順治三年三遇

恩詔又加一雲騎尉改為二等輕車都尉尋卒因無嗣承襲於乾隆十三年奉

旨入祀昭忠祠

同阿爾

同阿爾蒙古鑲紅旗人世居巴林地方以地為氏
崇德三年以驍騎校隨多羅貝勒岳託征明出邊
時隨副都統席喇率護軍防守厯七晝夜敗敵者
再六年五月大兵圍錦州擊敗明經略洪承疇三
營步兵挖濠圍之城內馬步兵出犯我左翼三旗
護軍不能取勝奔入濠塹同阿爾守汛地不敢失

同阿桑布奮勇抵戰遂歿於陣七年

恩賜騎都尉世職

承襲詳見世職表

僧額

僧額蒙古鑲紅旗人姓巴林氏世居喀爾喀地方
初襲騎都尉崇德六年五月從大兵征明圍錦州
掘濠攻城城中悉衆突出我軍却走僧額獨奮勇
力戰歿於陣

恩賜三等輕車都尉世職

承襲詳見世職表

索羅岱

索羅岱蒙古鑲紅旗人姓洪鄂羅特氏世居克西
克騰地方崇德七年十月隨奉命大將軍饒餘貝
勒阿巴泰征明八年五月至山東用雲梯攻費縣
以第一人登城陣亡

恩賜騎都尉世職

承襲詳見
世職表

圖薩

圖薩蒙古正藍旗人姓吳朗漢機爾敏氏世居喀

喇沁初任佐領順治元年隨大兵入山海關擊流寇中火礮陣亡

恩賜騎都尉世職

承襲詳見世職表

達爾瑪

達爾瑪蒙古正藍旗人姓薩爾圖特氏世居喀喇沁順治二年以佐領隨揚威將軍和碩豫親王多鐸征流寇敗逆黨賀珍於西安進擊一隻虎復大敗之乘勝追勦中箭歿於陣

恩賜雲騎尉世職

永襲詳見世職表

色楞

色楞蒙古正藍旗人姓吳朗漢機爾敏氏世居好親郭爾地方初任佐領於順治六年正月隨定西大將軍和碩敬謹親王尼堪征山西叛鎮姜瓖八月攻大同力戰陣亡

恩賜雲騎尉世職

永襲詳見世職表

伊馬圖

伊馬圖蒙古正藍旗人姓布爾克氏世居教漢地方任佐領崇德三年隨征山東遇敵兵敗之順治元年入山海關與都統宜拜等擊流賊至望都縣大敗之十二月隨和碩豫親王多鐸破流寇於潼關授騎都尉世職三遇

恩詔加二等輕車都尉九年七月隨定遠大將軍和碩敬謹親王尼堪征湖南流賊張獻忠餘孽偽秦王孫可望十一月至衡州府與賊力戰陣亡

恩賜一等輕車都尉世職

永襲詳見世職表

五孫泰

五孫泰蒙古正藍旗人順治元年以章京銜隨睿親王多爾袞入山海關擊敗流寇授騎都尉遇

恩詔加至三等輕車都尉十一年從寧南靖寇將軍陳泰征湖廣與賊戰於衡州陣亡加

恩賜二等輕車都尉世職

永襲詳見世職表

巴拜

巴拜蒙古正藍旗人姓卓巴魯忒氏世居喀喇沁
順治十一年以護軍校從寧海將軍宜爾德征偽
魯王於浙江至舟山偽英毅伯阮思領百餘艘列
陣拒戰巴拜奮勇直入力竭陣亡

恩賜雲騎尉世職

永樂詳見
世職表

巴圖禮

巴圖禮蒙古正藍旗人姓巴岳特氏世居察哈爾
順治十二年從寧海將軍宜爾德征偽魯王於浙

江至舟山偽英毅伯阮思排列百餘艘盤海拒敵

巴圖禮力戰陣亡

恩賜雲騎尉世職

承襲詳見世職表

拜才

拜才蒙古正藍旗人姓巴魯特氏世居喀喇沁崇德三年隨貝勒杜度征明真定用雲梯攻饒陽縣以第三人登城拔之七年復隨貝勒阿巴泰征明山東等處以步戰敗明馬步軍於渾河峴順治二

年與副都統阿機拜隨靖遠大將軍英親王阿濟格追流寇李自成餘黨殲其衆於安陸三年隨征南大將軍貝勒博洛征福建連敗賊於泉州自泉州進取安溪累功至三等男十二年大兵征湖廣偽安南王劉文秀偽將軍盧明臣興國侯馮雙禮等引偽總兵三十餘員賊兵二萬戰艦四百餘艘侵岳州及武昌拜才與護軍統領蘇克薩哈設伏出其不意擊破之進二等男十五年進征雲貴偽

侯李成蛟引偽總兵四員馬步賊兵九千屯於涼
水井拜才率本旗前鋒兵首臨陣七戰皆捷賊為
奪氣又敗賊於雙河口蒲棚嶺又與偽鞏昌王白
文選戰敗走之軍聲大振偽晉王李定國率其黨
數千人來援戰於磨盤山拜才力戰歿於陣

恩贈一等男世職

承襲詳見
封爵表

多內

多內蒙古正藍旗人姓喀爾那忒氏世居喀喇沁

順治十六年以雲騎尉隨大將軍都統黑格出征
至江寧擊敗海寇鄭成功舟師又擊賊於山頂陣
亡

恩賜騎都尉又一雲騎尉世職

承襲詳見
世職表

雅圖

雅圖蒙古正藍旗人姓博爾濟吉特氏世居烏魯
特地方任一等護衛於順治十六年從安南將軍
內大臣達素征福建海寇鄭成功十七年五月在

廈門奮勇擊賊戰歿

恩賜雲騎尉世職

永襲詳見
世職表

古蘭泰

古蘭泰蒙古正藍旗人姓蘇默爾氏世居黃山地

方襲叔父哈木胡雲騎尉世職兩遇

恩詔加至騎都尉又一雲騎尉順治十六年從安南將軍

內大臣達素征福建海寇同隊長愛圖擊賊首吳

英兵四千餘人十七年五月進兵至廈門遇賊首

鄭成功領六百餘艘來犯我軍古蘭泰奮勇力戰
遂歿於陣

賜祭葬銀三百兩加

恩賜三等輕車都尉世職

永襲詳見
世職表

蒙額圖

蒙額圖蒙古正藍旗人姓輝雅氏世居克西克騰
地方順治十六年從安南將軍內大臣達素征福
建海寇十七年攻廈門賊帥鄭成功排列水師六

百餘艘迎戰蒙額圖乘舟進擊於蓋峙山下陣亡

恩賜雲騎尉世職

承襲詳見世職表

佟噶爾

佟噶爾蒙古鑲藍旗人世居巴林以地為氏任驍

騎校崇德七年隨奉命將軍貝勒阿巴泰征明由

北京進攻山東力戰歿於陣

恩賜佐領世職

承襲詳見旗分志

齊薩穆

齊薩穆蒙古鑲藍旗人姓吳努古泰氏初為察哈爾寨桑後因察哈爾林丹汗往奔唐古特率衆來歸授三等輕車都尉兼管佐領事崇德七年從大兵征明圍錦州擊敵有功十月隨奉命大將軍饒餘貝勒阿巴泰征明八年三月以雲梯攻薊州城破裂中傷而歿

恩賜一等輕車都尉世職

承襲詳見世職表

索羅岱

索羅岱蒙古鑲藍旗人崇德八年隨奉命將軍貝勒阿巴泰征明以雲梯攻牆子嶺戰歿於陣

恩賜佐領世職

永襲計見旗分志

綽克托

綽克托蒙古鑲藍旗人姓烏朗哈濟爾敏氏世居喀喇沁地方管佐領事崇德八年九月隨奉命大將軍饒餘貝勒阿巴泰征明至邊境以雲梯攻牆子嶺中矢陣亡

恩賜騎都尉世職

永樂詳見
世職表

色赫

色赫蒙古鑲藍旗人姓墨勒濟氏世居哈達地方
任佐領崇德七年從征明圍錦州隨副都統巴特
瑪擊明經略洪承疇克之順治元年隨和碩豫親
王多鐸南征至潼關與副都統喇麻擊敗流賊二
年同郭庫禮平蘇州有功三年二月從征南大將
軍多羅貝勒博洛征福建五月大兵過浙江畧平

湖力戰被傷歿

恩賜雲騎尉世職

承襲詳見
世職表

達賴

達賴蒙古鑲藍旗人姓鄂禮克氏世居察哈爾地

方初任閒散章京順治元年從和碩睿親王多爾

袞進山海關隨原任都統葉克舒擊敗流賊有功

恩賜騎都尉是年冬隨定國大將軍和碩豫親王多鐸南

征平定河南江南俱在行間有功又隨貝勒博洛

擊敵兵於嘉興府敗之五年從征甘肅擊叛回馬
步兵據橋與戰中礮亡七年遇

恩詔兼叙從前勞績加

恩賜騎都尉又一雲騎尉世職

承襲詳見
世職表

懇哲

懇哲蒙古鑲藍旗人姓席魯特氏世居巴林地方
初襲二等輕車都尉順治九年七月從定遠大將
軍和碩敬謹親王尼堪征湖南流賊張獻忠餘孽

偽秦王孫可望十一月在衡州府遇賊力戰陣亡

恩賜一等輕車都尉世職

承襲詳見世職表

達賴

達賴蒙古鑲藍旗人姓尼里葉克氏世居察哈爾地方以雲騎尉駐防荊州順治九年隨都統拉麻戰於崑山縣中礮陣亡

恩賜騎都尉世職

承襲詳見世職表

史色

史色蒙古鑲藍旗人姓巴林氏世居察哈爾地方
順治十二年從寧海大將軍宜爾德征浙江至舟
山中破歿


恩賜雲騎尉世職

永襲詳見
世職表

白都

白都蒙古鑲藍旗人順治十四年八月十四日以
驍騎校從大兵征察哈爾布爾丹歿於陣

賞卹如例



欽定八旗通志卷二百二十四

欽定四庫全書

史部

欽定八旗通志卷

二百二十五至
二百二十六

欽定四庫全書

欽定八旗通志卷二百二十五

人物志一百五

忠義傳十七

蒙古八旗二
康熙十三年至十四年共六十二人

博洛

博洛蒙古鑲黃旗人以護軍校管護軍叅領事得
已圖魯號康熙十三年從征湖廣逆藩吳三桂
與賊力戰陣亡

恩賜雲騎尉世職

承襲詳見世職表

圖爾猛額

圖爾猛額蒙古鑲黃旗人任佐領委叅領駐防江寧於康熙十三年調遣隨征至江西吉安府遇敵力戰陣亡

賞卹如例

博喜圖

博喜圖蒙古鑲黃旗人任護軍校康熙十三年十

二月二十三日從征四川至朝天關偽將王屏藩等分兵環攻我軍博喜圖力戰歿

恩賜雲騎尉世職

承襲詳見世職表

費揚武

費揚武蒙古鑲黃旗人上駟院牧長墨爾根托克推之次子也任二等侍衛在鑾儀衛內行走康熙十四年隨貝子傅臘塔征海寇鄭成功至浙江將渡錢塘賊統兵四萬拒戰費揚武挺身撓敵三入

而三出之大敗賊衆事

聞奉

諭曰費揚武猶勝於張飛可比趙子龍也進征福建至海

澄被執賊百計誘降叱曰我若降異日將何顏面

聖耶遂自刎

賞卹如例

拜海

拜海蒙古鑲黃旗人姓巴林氏世居巴林地方初

襲父額森三等輕車都尉世職康熙十四年隨定南將軍希爾根征逆藩耿精忠至江西遇賊將李茂珠等於建昌府南鐘鼓山力戰陣亡

恩賜二等輕車都尉世職

承襲詳見世職表

白杜

白杜蒙古鑲黃旗人康熙十四年以佐領從大兵征江西至南昌擊賊陣亡

恩賜雲騎尉世職

承襲詳見世職表

格得德

格得德蒙古鑲黃旗人任驍騎校署叅領康熙十四年隨大兵征逆藩吳三桂於雲南力戰陣亡

賞卹如例

羅漢

羅漢蒙古鑲黃旗人姓白氏世居喀喇沁地方康熙十四年以驍騎校隨寧南靖寇大將軍順承郡王勒爾錦征逆藩吳三桂至湖廣襄陽府偽將軍

張義禪王慧等率衆萬餘來犯羅漢執燾進戰於

二郎岡陣亡

恩賜雲騎尉世職

承襲詳見
世職表

高夏

高夏蒙古鑲黃旗人姓柯勒德氏世居科爾沁地
方康熙十三年以前鋒校從征逆藩吳三桂至朝
天關隨前鋒統領穆占擊敗偽將石存禮等進至
保寧復敗偽將吳應龍等又擊賊于蟠龍山小梅

嶺龍潭驛等處俱有功十四年進攻秦州遇賊力
戰陣亡

恩賜雲騎尉世職

承襲詳見
世職表

墨度

墨度蒙古正黃旗人任七品官康熙十三年從征
逆藩吳三桂至湖廣擊偽將吳應麒馬寶李之鳳
偽總兵蕭輔成等於南汎江口諸處咸有功進至
洞庭湖偽將巴養元等率巨艘列陣拒戰隨貝勒

尚善擊却之賊復來犯被創歿

恩賜雲騎尉世職

承襲詳見
世職表

額爾陳

額爾陳蒙古正黃旗人任護軍校康熙十三年從
征逆藩吳三桂至湖廣攻偽將巴養元等於洞庭
湖戰歿

恩賜雲騎尉世職

承襲詳見
世職表

圖武爾

圖武爾蒙古正黃旗人任護軍校康熙十三年隨
征逆藩吳三桂歿於陣

恩賜雲騎尉世職

承襲詳見
世職表

色爾古楞

色爾古楞蒙古正黃旗人署護軍校康熙十三年
隨將軍都統赫業擊吳逆偽將軍王屏藩於蟠龍
山力戰陣亡

恩賞銀貳百兩

格洛爾圖

格洛爾圖蒙古正黃旗人由領催委署驍騎校駐防西安康熙十四年隨定西大將軍多羅貝勒董額征從逆提督王輔臣于秦州力戰陣亡

賞卹如例

蒙柯

蒙柯蒙古正黃旗人由領催委署驍騎校駐防西安康熙十四年隨定西大將軍多羅貝勒董額征

從逆提督王輔臣于秦州力戰陣亡

賞卹如例

鄂七拜

鄂七拜蒙古正白旗人姓他塔喇氏世居察哈爾
任驍騎校駐防江寧康熙十三年提督李之芳調
集官兵赴援浙江鄂七拜隨副都統胡圖會剿偽
將曾養性于台州至小梁山奮勇力戰歿於陣

賞卹如例

德色

德色蒙古正白旗人任八品官康熙十三年從征湖廣至長沙力戰被傷歿於軍

賞卹如例

卓特巴

卓特巴蒙古正白旗人襲其叔拜思虎郎七品官康熙十三年從大兵出征逆藩吳三桂至湖廣長沙府遇賊力戰陣亡

賞卹如例

布達什

布達什蒙古正白旗人姓沙賚氏世居扎魯特康熙十四年以護軍校從定西大將軍多羅貝勒董額征從逆提督王輔臣於秦州力戰陣亡

恩賜雲騎尉世職

承襲詳見世職表

色楞

色楞蒙古正紅旗人任佐領康熙十三年正月隨

將軍赫業征四川至野狐嶺沿山擊敗賊三百餘
衆又敗其山林伏衆千餘又賊伏二千餘衆突出
迎戰奮擊敗之進至延平關有偽總兵率衆萬餘據
山險立鹿角列砲鎗連數營拒戰復大敗之六月
初六日抵盤龍山遇偽將軍王平範等衆四萬排
設砲鎗藤牌自我右翼水路後哨登陸攻我左翼
前後互擊力戰陣亡

恩賜雲騎尉世職

承襲詳見
世職表

賞銀五百兩十七年十二月初三日

諭祭一壇

阿納

阿納蒙古正紅旗人任叅領康熙十三年從征海賊鄭成功至浙江遇賊力戰歿於陣

賞卹如例

噶爾瑪

噶爾瑪蒙古正紅旗人康熙十三年從征海賊鄭

成功至浙江擊賊歿于陣

恩賜雲騎尉世職

承襲詳見世職表

季拉泰

季拉泰蒙古正紅旗人以領催署章京康熙十三

年從征逆藩吳三桂於雲南至廬固擊賊陣亡

恩賜雲騎尉世職

承襲詳見世職表

納穆僧額

納穆僧額蒙古正紅旗人姓喀出特氏世居喀喇

沁地方康熙十三年以筆帖式隨經畧大學士莫洛征逆藩吳三桂至寧羗州適提督王輔臣叛力戰陣亡

恩賜雲騎尉世職

承襲詳見世職表

蘇巴什達

蘇巴什達蒙古正紅旗人姓齊木克圖氏世居喀喇沁地方康熙十三年以驍騎校隨寧南靖寇大將軍順承郡王勒爾錦征逆藩吳三桂至湖廣遇

賊於綏寧擊賊陣亡

恩賜雲騎尉世職

承襲詳見世職表

奇他乃

奇他乃蒙古正紅旗人任前鋒校駐防莊浪康熙十三年隨安西將軍都統赫業征逆藩吳三桂於四川至蟠龍山賊將王屏藩等合各偽將兵四萬餘水陸夾攻奇他乃力戰陣亡

賞卹如例

阿里瑪

阿里瑪蒙古正紅旗人由空銜佐領於康熙十四年從征逆提督王輔臣子繼正戰于平涼府陣亡

恩賜雲騎尉世職

承襲詳見世職表

克什圖

克什圖蒙古正紅旗人任驍騎校駐防西安康熙十三年隨安西將軍瓦爾喀擊偽將王屏藩等于娘娘廟力戰有功十四年復隨振武將軍佛尼勒

等與賊戰於秦州陣亡

賞卹如例

圖爾渾

圖爾渾蒙古正紅旗人姓明阿氏世居科爾沁地
方康熙十三年以理藩院郎中隨經畧大學士莫
洛征逆藩吳三桂至寧羌州適提督王輔臣叛力
戰陣亡

恩賜雲騎尉世職

承襲詳見
世職表

五喇岱

五喇岱蒙古正紅旗人姓博和羅特氏世居科爾沁地方任二等輕車都尉康熙十四年從征逆藩吳三桂隨前鋒統領穆占敗偽將石存禮于朝天關復隨鎮西將軍席卜臣擊偽將王屏藩等敗之賊復合遂力戰陣亡

恩賜一等輕車都尉世職

承襲詳見世職表

波纍

波纍蒙古正紅旗人姓黃氏世居依布杵德地方
由領催委署叅領駐防西安康熙十四年隨定西
大將軍多羅貝勒董額會剿從逆提督王輔臣于
秦州西關力戰陣亡

恩賜雲騎尉世職

承襲詳見
世職表

邁拉

邁拉蒙古鑲白旗人姓博爾濟吉特氏世居察哈
爾任護軍叅領康熙十三年從將軍安親王岳樂

征江西擊偽將邵連登於建昌陣亡

恩賜雲騎尉世職

永襲詳見
世職表

諾穆啟

諾穆啟蒙古廂白旗人姓芒格努忒氏世居喀喇
沁地方任佐領康熙十三年從寧海將軍富喇塔
征耿逆至浙江擊賊將曾養性于台州小梁山力
戰歿于陣

恩賜雲騎尉世職

永襲詳見
世職表

托畢泰

托畢泰蒙古鑲白旗人姓博和羅特氏世居古爾班納里忒地方兵部郎中任佐領康熙十三年遂藩吳三桂反十二月奉

勅往勞四川總督鄭蛟麟等至成都被賊王賓懷劊刃死

恩賜騎都尉世職

承襲詳見世職表

固魯吾

固魯吾蒙古鑲白旗人以驍騎校駐防

盛京康熙十三年十月耿逆偽都督周烈總兵桑明
犯衢州總督李之芳平南將軍賴塔遣兵援剿固
魯吾閭歷行間著有戰功至紅橋與賊力戰歿于
陣

賁卹如例

雅圖

雅圖蒙古鑲白旗人任驍騎校康熙十四年隨大
兵征湖廣至巖山嶺吳逆偽將馬寶胡國柱率三

萬餘衆來犯奮勇衝擊陣亡

恩賜雲騎尉世職

承襲詳見世職表

拉布士喜

拉布士喜蒙古鑲紅旗人姓烏蘭氏世居喀喇沁

地方康熙十三年以佐領從定西將軍圖海征湖廣

賊李來亨等於茅麓山力戰陣亡

恩賜騎都尉兼雲騎尉世職

承襲詳見世職表

渾進

渾進蒙古鑲紅旗人姓博洛哥氏世居喀喇沁地
方康熙十三年以空銜佐領從征逆藩吳三桂至
湖廣破偽都督楊文榮等戰艘百餘尋于岳州遇
偽將軍吳應騏等率兵七萬餘來拒渾進力戰陣
亡

恩賜雲騎尉世職

承襲詳見
世職表

拜桑古爾

拜桑古爾蒙古鑲紅旗人姓卧九忒氏世居巴林

地方康熙十三年以佐領隨寧南靖寇大將軍順承郡王勒爾錦征逆藩吳三桂至湖廣南漳縣賊衆來犯率本旗兵敗之至永興遇偽將軍馬寶胡國柱等率兵三萬餘拒戰歿于陣

恩賜雲騎尉世職

承襲詳見世職表

查穆素

查穆素蒙古鑲紅旗人初任佐領兼雲騎尉康熙十三年從揚威大將軍簡親王喇布征吳逆至江

西吉安府螺子山遇僞將韓大任率衆七千來犯
力戰歿於陣

恩賜輕車都尉世職

承襲詳見
世職表

阿余什

阿余什蒙古鑲紅旗人姓博爾濟吉特氏世居察
哈爾地方任驍騎校委署叅領駐防西安康熙十
三年從征逆藩吳三桂至四川隨夸蘭大費赫齊
迎糧于槐樹驛遇賊吳之茂王屏藩等擁兵截殺

力戰不克遂歿于陣

賞卹如例

華善

華善蒙古鑲紅旗人姓西訥楚特氏世居科爾沁
地方康熙十四年以五品官隨揚威將軍內大臣
阿密達征從逆提督王輔臣輔臣遣其子偽總兵
王繼正率兵犯平涼華善隨大兵擊敗之賊復集
戰遂力戰陣亡

恩賜雲騎尉世職

承襲詳見
世職表

薩音圖

薩音圖蒙古正藍旗人姓布爾哈齊忒氏世居愛
必汗英舍堡地方順治十五年以護軍校從征貴
州駐靖州偽總兵田國欽黃世貴等欲納款為賊
所阻薩音圖同護軍統領鄂納等往接應道遇賊
二千餘人擊敗之十六年雲貴平由水路回軍至
江南時海賊鄭成功新陷鎮江瓜州進犯江寧率

衆二萬列艘江中薩音圖隨副都統葛褚哈等擊
敗之又連敗江岸賊五萬餘賊乃以全軍十萬列
紅衣礮鳥鎗拒戰復擊敗之授雲騎尉康熙元年
隨征東將軍李什哈征山東同夸蘭大吳喇泰敗
賊呂思曲楊明五喬易集張靖綱于三等於大山
下及鉅齒崖南等處三年從定西將軍圖海征湖
廣賊季來亨等於茅麓山率本旗兵敗其偽總兵
四偽將四收其衆千餘人旋于間道遇賊力戰陣

亡

恩賜騎都尉世職

承襲詳見世職表

孟額圖

孟額圖蒙古正藍旗人姓記爾必思氏世居喀喇沁地方康熙三年以一等輕車都尉隨定西將軍圖海征湖廣賊李來亨等于茅麓山同護軍統領敖艾力戰陣亡

恩賜雲騎尉世職

承襲詳見世職表

塔爾尼

塔爾尼蒙古正藍旗人姓博多忒氏世居喀喇沁
地方康熙十四年以佐領從定西大將軍多羅貝
勒董額征從逆提督王輔臣至漢中偽將王屏藩
譚洪等拒戰塔爾尼率兵擊敗之賊復合遂力戰
陣亡

恩賜雲騎尉世職

承襲詳見
世職表

恩克

恩克蒙古正藍旗人姓烏朗漢濟爾敏世居喀喇沁地方康熙十四年以佐領隨揚威將軍內大臣阿密達征從逆提督王輔臣於平涼力戰陣亡

恩賜雲騎尉世職

承襲詳見世職表

布達喜

布達喜蒙古正藍旗人姓薩爾圖氏世居喀喇沁地方康熙十三年以佐領從征四川提偏總兵石存禮等引重兵據朝天關隘口掘壕塹立木城伏

地礮復疊石為牆結三十餘營拒敵布達喜率所
屬兵擊破之十四年隨取保寧分兵駐槐樹驛以
援糧運遇偽將軍王屏藩吳之茂等兵至力戰歿
于陣

恩賜雲騎尉世職

承襲詳見
世職表

肯哲

肯哲蒙古正藍旗人姓布氏世居敖漢地方康熙
十三年以佐領隨楊威將軍內大臣阿密達征四

川十四年至陝西擊賊于平涼力戰陣亡

恩賜雲騎尉世職

承襲詳見
世職表

伊納爾起

伊納爾起蒙古正藍旗人姓克勒特氏世居土默特地方康熙十三年由七品官隨揚威大將軍阿密達平定陝西十四年三月與偽總兵高定蔡元德等戰于顯義關山下河岸陣亡

恩賜雲騎尉世職

承襲詳見
世職表

阿海

阿海蒙古正藍旗人姓薩拉圖氏世居葉赫地方
康熙十三年以驍騎校隨征耿逆至江西十四年
十二月賊帥李茂珠等率兵萬餘拒戰於建昌府
南之鐘鼓山阿海死之

恩賜雲騎尉世職

承襲詳見
世職表

朝倫岱

朝倫岱蒙古正藍旗人以佐領駐防杭州康熙十

四年隨將軍穆占征逆藩吳三桂擊偽都督姜揚
順等於江山縣陣亡

恩賜雲騎尉世職

承襲詳見
世職表

海三岱

海三岱蒙古鑲藍旗人姓波爾和羅氏世居巴馬
特地方初任副理事官授騎都尉駐防荊州時把
總胡章昂叛海三岱率兵擊敗之康熙二年隨
將軍達賽征福建以舟師敗賊鄭經于廈門進至

蓋峙山力戰陣亡

恩賜三等輕車都尉世職

承襲詳見世職表

岱奇

岱奇蒙古鑲藍旗人任雲騎尉康熙十三年從安
西將軍都統赫業征逆藩吳三桂于四川至蟠龍
山賊將王屏藩等合水陸兵拒敵岱奇力戰歿于
陣

恩賜騎都尉世職

承襲詳見世職表

巴爾都

巴爾都蒙古鑲藍旗人姓巴於特氏世居克什克
特任驍騎校駐防荊州康熙十三年隨將軍法爾
喀會剿逆藩吳三桂于四川至蟠龍山賊將王屏
藩等恚衆拒戰復率舟師夾擊我軍巴爾都力戰
歿于陣

賞卹如例

白和圖

白和圖蒙古鑲藍旗人姓蘇氏世居喀喇沁康熙
十三年以護軍校隨安西將軍都統赫業征逆藩
吳三桂至四川賊將王屏藩等集兵于蟠龍山拒
戰白和圖奮勇衝突遂以戰歿

賞卹如例

保

保蒙古鑲藍旗人父達賴陣亡自有傳康熙十三
年以八品官從安親王岳樂征逆藩耿精忠至江

西敗賊將黃豪於鄱陽湖康山饒州府諸處進至
建昌擊賊於長興縣陣亡

恩賜雲騎尉世職

承襲詳見
世職表

額爾隊

額爾隊蒙古鑲藍旗人姓吳朗哈濟喇默氏世居
巴育特任七品官從征四川小梅嶺龍潭驛西山
坡諸處有功康熙十四年隨征從逆提督王輔臣
至漢中西長塞大敗賊衆進攻四川隨總督周有

德敗偽將譚洪又敗偽總兵楊應芳於溝家營師
還偽將王屏藩率衆來犯額爾隊力戰陣亡

恩賜雲騎尉世職

承襲詳見
世職表

德爾格爾

德爾格爾蒙古鑲藍旗人姓扎拉爾氏世居敖漢
地方康熙十四年以佐領從征逆藩吳三桂至陝
西隨前鋒統領穆占等破偽將石存禮於朝天關
又擊賊於小梅嶺龍潭驛等處俱有功進攻秦州

遇賊於南山力戰陣亡

恩賜騎都尉世職

承襲詳見
世職表

查哈岱

查哈岱蒙古鑲藍旗人姓扎拉爾氏世居教漢地方
康熙十四年以輕車都尉隨定西大將軍多羅貝
勒董額征從逆提督王輔臣於羅門鎮力戰陣
亡

賜銀八百兩又

賜銀三百兩立碑於其墓

恩賜輕車都尉世職

承襲詳見世職表

和濟格爾

和濟格爾蒙古鑲藍旗人姓額爾都特氏世居教
漢地方康熙十四年以佐領從定西大將軍多羅
貝勒董額征逆藩吳三桂至漢中擊賊於溝家營
力戰陣亡

恩賜雲騎尉世職

承襲詳見世職表

查哈岱

查哈岱蒙古鑲藍旗人姓扎拉爾氏世居教漢初
任員外郎康熙十四年隨將軍貝勒董額征從逆
提督王輔臣至羅門鎮力戰陣亡

賜卹有加並

賜帑立碑墓道

布達

布達蒙古鑲藍旗人姓博爾濟吉特氏世居教漢

地方康熙十四年以驍騎校隨定西大將軍多羅
貝勒董額征逆提督王輔臣於秦州力戰陣亡

恩賜雲騎尉世職

承襲詳見
世職表

欽定八旗通志卷二百二十五

欽定四庫全書

欽定八旗通志卷二百二十六

人物志一百六

忠義傳十八

蒙古八旗三
康熙十五年

至五十七年共八十六

人

羅布

羅布蒙古鑲黃旗人姓齊墨特氏世居喀喇沁順
治五年從征江西叛鎮金聲桓用雲梯攻南昌府

奮勇先登克其城

賜號巴圖魯

恩授二等輕車都尉七年九年屢遇

恩詔加至一等輕車都尉又一雲騎尉康熙十五年從征

逆藩吳三桂至湖廣醴陵縣偽將馬寶等率三萬

餘衆來犯羅希力戰歿於陣二十五年議卹加世

職為三等男

承襲詳見
封爵表

納墨戶

納墨戶蒙古鑲黃旗人任叅領駐防荊州敗賊郭
甲王嘉等於瀘溪康熙十五年隨大兵征海寇鄭
成功攻澄浦恩乘勝進逼廈門力戰陣亡

恩賜雲騎尉世職

承襲詳見
世職表

鄂爾賽

鄂爾賽蒙古鑲黃旗人姓克勒特氏世居巴林康
熙十五年以七品官隨簡親王喇布征江西偽將
軍馬三保等率衆三萬餘來犯鄂爾賽列鹿角礮

金川紀略卷二十六
揆牌拒敵力戰陣亡

恩賜雲騎尉世職

承襲詳見
世職表

苟色

苟色蒙古鑲黃旗人康熙十五年以駙騎校從征

南將軍穆占征逆藩吳三桂至湖廣遇偽將軍馬

寶於永興縣巖山嶺列陣迎拒苟色奮勇前擊中

烏鎗陣亡

恩賜雲騎尉世職

承襲詳見
世職表

昂阿賴

昂阿賴蒙古鑲黃旗人姓博和羅特氏世居揚西
穆康熙十五年以署護軍校從征逆藩耿精忠至
江西陣亡

恩賜雲騎尉世職

承襲詳見
世職表

瑪克三

瑪克三蒙古鑲黃旗人康熙十六年以七品官從
征逆藩吳三桂至廣東韶州府與偽將范七翰等

二萬餘衆擊戰于蓮花山下陣亡

恩賜雲騎尉世職

承襲詳見
世職表

關保

關保蒙古鑲黃旗人姓博爾濟錦氏世居烏魯特
地方康熙十七年以七品官隨征逆藩吳三桂至
廣東韶州鎮南將軍莽依圖同江寧將軍額楚
夾勦之關保從征過偽將軍馬寶等萬餘衆於蓮
花山擊賊陣亡

恩賜雲騎尉世職

承襲詳見
世職表

門都孫

門都孫蒙古鑲黃旗人任佐領委署叅領駐防西
安于康熙十九年正月隨將軍額楚在廣西地方
與賊力戰陣亡

賞卹如例

阿有世

阿有世蒙古鑲黃旗人署驍騎校駐防涼州康熙

二十年二月二十二日隨征南將軍賴塔在雲南
黃草壩遇敵陣亡

賞卹如例

色爾濟

色爾濟蒙古鑲黃旗人姓博爾濟錦氏世居柯勒
特地方任護軍叅領康熙二十九年隨撫遠大將
軍裕親王福全征厄魯特噶爾丹至烏蘭布通賊
於隔河深林卧駱駝為挨牌以拒色爾濟率兵隨

右翼繞河擊敗之以功奏授大臣時聞噶爾丹出邊令往察之為喀爾喀所害三十年

恩賜雲騎尉世職

承襲詳見世職表

花色

花色蒙古鑲黃旗人康熙三十五年以虛銜防守尉從征厄魯特噶爾丹擊敗於昭莫多力戰陣亡

賞卹如例

色楞

色楞蒙古鑲黃旗人姓圖土特氏世居察哈爾地
方襲三等男兼佐領為頭等侍衛管領旋署理藩
院侍郎康熙五十六年準噶爾逆孽策楞敦多布
由特機斯近擾西藏十月殺害拉藏汗五十七年
聖祖命色楞統兵進剿六月色楞渡七汊河由拜圖前往
與西安將軍額倫特合兵至喀喇烏蘇地方賊兵
二三萬四面圍繞未犯色楞同額倫特督兵力戰
相持至九月遂歿於陣

賞卹如例

諾爾布

諾爾布蒙古正黃旗人姓撥和羅特氏世居喀喇沁地方順治五年以驍騎校隨征陝西流寇敗偽總兵陳某及黃應禮單回子等於橫城屢著戰功康熙十三年隨征逆藩吳三桂至湖廣十五年三月從安遠靖寇將軍貝勒尚善擊偽將軍杜輝巴養元江義等於岳州洞庭湖戰歿於陣

恩賜雲騎尉世職

承襲詳見世職表

巴爾哈孫

巴爾哈孫蒙古正黃旗人任護軍校康熙十五年
隨將軍貝勒尚善征逆藩吳三桂至湖廣與偽將
軍吳應麒廖進忠馬寶等戰于岳州府陣亡

恩賜雲騎尉乾隆十三年

賞給恩騎尉世職

承襲詳見世職表

巴楞孫

巴楞孫蒙古正黃旗人姓杭阿特氏世居喀喇沁
任護軍校康熙十五年隨安遠靖寇大將軍貝勒
尚善征逆藩吳三桂至湖廣取岳州偽將軍吳應
麒等引賊七萬列陣拒敵巴楞孫奮勇迎擊歿於
陣

恩賜雲騎尉世職

承襲詳見
世職表

莫都

莫都蒙古正黃旗人任七品官委署隊長康熙十

五年隨安遠靖寇大將軍貝勒尚善平湖廣取岳
州三月十五日與吳逆賊戰於洞庭湖中創歿

恩賜雲騎尉世職

承襲詳見
世職表

色冷

色冷蒙古正黃旗人父納木賽順治十五年以署
護軍校從征偽桂王屢立戰功授雲騎尉既卒色
冷襲職康熙十六年隨征南將軍穆占征逆藩吳
三桂至湖廣與偽將軍吳國貴戰於長沙陣亡

賜祭一次

務孫岱

務孫岱蒙古正黃旗人姓哈爾吉努氏世居喀爾喀地方任驍騎校委署叅領康熙十六年隨將軍額楚征逆藩吳三桂至江西吉安遇偽將軍馬寶等力戰歿於陣

恩賜雲騎尉世職

承襲詳見世職表

圖布深

圖布深蒙古正黃旗人姓烏郎看機爾門氏世居喀喇沁初隨貝勒尚善征廣東時委署叅領康熙十七年正月隨征湖廣與賊將杜輝等力戰於岳州洞庭湖陣亡

恩賜雲騎尉世職

承襲詳見世職表

沙渾

沙渾蒙古正黃旗人署護軍校康熙十七年隨將軍穆占征湖廣擊偽將馬寶胡國柱等於永興力

戰陣亡

賞卹如例

遼東

遼東蒙古正黃旗人姓他塔喇氏世居

盛京地方康熙十三年以護軍校隨定遠將軍希爾根征逆藩耿精忠至江西敗偽總兵朱一典於會浦又敗偽左都督筭國棟等於新昌之北山並隨護軍統領桑額力戰有功十四年四月賊帥邵連

登引偽左都督九人賊兵八萬連營於建昌府之
長興據山口築壕列陣拒敵遼東隨希爾根敗之
十五年二月隨定遠平寇大將軍安郡王岳樂征
逆藩吳三桂敗偽將軍夏國相李良棟於江西萍
鄉之東來龍山十六年吳逆遣偽將軍吳國貴引
賊數萬屯據長沙遼東力戰被重傷二十五年傷
發卒

恩賜雲騎尉世職

承襲詳見
世職表

博爾和對

博爾和對蒙古正黃旗人姓空克禮氏世居克西
克騰地方襲父巴圖三等輕車都尉順治十五年
隨多羅信郡王多尼征朱由榔師次湖廣靖州偽
總兵田國興黃世貴欲來納款為賊衆所阻博爾
和對隨護軍統領鄂納等往迎遇賊二千餘人擊
敗之掣國興等來歸進兵至貴州偽總兵羅大順
擁衆三萬餘列陣於十萬崎山拒敵博爾和對隨

將軍等進戰敗之十六年凱旋由水路至江寧值
海賊鄭成功陷鎮江瓜州寇江寧即同副都統噶
褚哈同本地官兵擊却之又連敗江岍賊衆十七
年叙功由三等輕車都尉超授一等輕車都尉康
熙十三年授察哈爾都督奏請以長子哈喇扣襲
其世職二十九年以提督統察哈爾兵隨撫遠大
將軍和碩裕親王福全征厄魯特噶爾丹遇賊於
烏蘭布通地方擊敗之即在軍前授為叅贊大臣

尋奉

詔入噶爾丹取其降表回遇喀爾喀賊衆來犯力戰歿於

陣

賜祭奠如典禮謚襄懿又加一雲騎尉世職

承襲詳見世職表

克什

克什蒙古正黃旗人姓翁牛特氏世居喀喇沁地方以前鋒康熙三十五年隨撫遠大將軍伯費揚古進征厄魯特噶爾丹至昭莫多與賊力戰陣亡

恩賜七品官

雅爾吉岱

雅爾吉岱蒙古正黃旗人姓洪郭爾氏世居喀喇
沁地方康熙三十五年以烏鎔兵隨撫遠大將軍
伯費揚古由西路進征厄魯特噶爾丹至昭莫多
與賊力戰陣亡

恩賜八品官

揆爾齊他特

揆爾齊他特蒙古正黃旗人以領催派守軍臺康熙五十七年閏八月準噶爾內犯奪我十八臺揆爾齊他特被擒賊詢以內地虛實誘之降奮臂大罵不屈賊怒毀其面目耳鼻至死罵孟厲遂分裂其尸棄之河六十年

賞卹如例

八十

八十蒙古正黃旗人由領催委署驍騎校駐防西安

康熙五十七年七月隨侍郎色楞抵喀拉烏蘇遇
準爾噶賊力戰陣亡

賞卹如例

和忒

和忒蒙古正白旗人姓扣懇氏世居葉赫地方康熙十六年以佐領從奉命大將軍康親王傑書征福建海寇偽將軍劉國軒等率賊萬餘犯海澄和忒力戰歿於陣

恩賜雲騎尉世職

承襲詳見
世職表

諾爾穆

諾爾穆蒙古正白旗人姓博爾吉濟特氏世居翁
牛特其先阿魯都祿郡王之族也父色勒順治間
來歸授雲騎尉屢遇

覃恩加至三等輕車都尉以諾爾穆襲康熙十六年隨江
寧將軍額楚征逆藩吳三桂至江西與偽將軍馬
寶等戰于吉安陣亡

恩賜二等輕車都尉世職

承襲詳見世職表

瑪哈達

瑪哈達蒙古正白旗人康熙十六年以驍騎校從

江寧將軍額楚征逆藩吳三桂與偽將軍馬寶戰

於吉安陣亡

恩賜雲騎尉世職

承襲詳見世職表

東克

東克蒙古正白旗人姓阿林覺羅氏世居葉赫地

方康熙十六年以驍騎校從鎮南將軍莽依圖征
逆藩吳三桂至廣東與偽將軍馬寶戰于韶州陣

亡

恩賜雲騎尉世職

承襲詳見
世職表

孟色爾

孟色爾蒙古正白旗人姓巴依忒氏世居喀爾喀
地方官侍讀康熙十七年頒

詔廣東值海寇煽亂死於難

恩賜騎都尉世職

承襲詳見
世職表

活特

活特蒙古正白旗人康熙二十年以佐領隨征南
大將軍賴塔由廣西進征逆孽吳世璠戰於雲南
之黃草壩陣亡

賞卹如例

布大

布大蒙古正白旗人姓阿里拉爾氏世居呼庫諾

爾佐領部委叅領駐防西安康熙五十七年九月
隨侍郎色楞進勦西藏于哈喇烏蘇遇準噶爾賊
力戰陣亡

恩賜騎都尉世職

承襲詳見
世職表

布達

布達蒙古正白旗人任雲騎尉康熙五十七年隨
侍郎色楞進征西藏擊賊陣亡同旗馬起亦以是
役歿於陣

賞卹如例

檔色

檔色蒙古正紅旗人任驍騎校康熙十三年隨征吳耿二逆藩於江西有功十五年進至湖廣擊賊於醴陵陣亡

恩賜雲騎尉乾隆十三年

賞給恩騎尉世職

承襲詳見世職表

博爾濟

博爾濟蒙古正紅旗人姓阿蘓克氏世居喀喇沁
地方以驍騎校隨安親王岳樂征逆藩吳三桂至
湖廣康熙十六年十月進攻長沙力戰陣亡

恩賜雲騎尉世職

承襲詳見
世職表

三進

三進蒙古正紅旗人姓薩爾處特氏世居西拉木
蘭地方以委署叅領隨貝勒查尼征逆藩吳三桂
康熙十七年隨都統朱滿自襄陽往截海賊糧運

至九馬嘴遇風舟覆歿

恩賜雲騎尉世職

承襲詳見世職表

嘎爾馬

嘎爾馬蒙古正紅旗人署護軍校康熙十七年隨

征吳逆至襄陽率舟師抵九馬嘴要截賊糧遇風

沉舟歿

恩賜雲騎尉世職

承襲詳見世職表

巴泰

巴泰蒙古正紅旗人任護軍校康熙十七年從征
吳逆至襄陽率舟師抵九馬嘴要截賊糧遇風沉
舟歿

恩賜雲騎尉世職

承嚴詳見
世職表

素施達

素施達蒙古正紅旗人任護軍校從征吳逆至湖
廣康熙十七年分兵襄陽截賊運糧河道率舟師
抵戰覆舟歿

恩賜雲騎尉世職

承襲詳見
世職表

和瑞

和瑞蒙古正紅旗人康熙十三年以三等輕車都尉從征逆藩吳三桂至陝西同副將張登科敗偽將軍吳之茂彭時亨等於廣元偽將軍王屏藩譚宏等引賊衆自漢中渡江來犯復擊敗之又擊偽將軍劉慶成俱破其衆十七年從征南將軍穆占至湖廣擊偽將軍杜輝等於洞庭之柳林嘴連敗之

十八年進取湘陰於九馬嘴力戰陣亡

恩賜世職為二等輕車都尉

承襲詳見世職表

俄爾和克

俄爾和克蒙古正紅旗人襲父雲騎尉職康熙十四年從征逆藩吳三桂至陝西敗偽總兵於上羅鎮十七年從征南將軍穆占往湖廣敗偽將軍杜輝等於洞庭之柳林嘴十八年進取湘陰在九馬嘴地方力戰陣亡

恩賜雲騎尉合原襲世職為三等輕車都尉

承襲詳見世職表

黑色

黑色蒙古正紅旗人姓博爾吉孫氏世居卓魯克地方由輕車都尉世職於康熙十九年從征逆孽吳世璠二十年正月攻石門坎力戰陣亡

賞卹如例

額爾吉圖

額爾吉圖蒙古正紅旗人姓巴禹特氏世居喀爾

喀地方理藩院郎中兼佐領康熙二十年四月運
米往賑蒙古為烏拉所害

恩賜雲騎尉世職

承襲詳見
世職表

博爾和

博爾和蒙古鑲白旗人姓巴林氏世居察哈爾地
方由護軍校委署佐領康熙十五年二月隨定遠
平寇大將軍安親王岳樂征逆藩耿精忠至江西
之會浦遇偽總兵朱一典等率眾拒戰擊敗之偽

都督孫可望等據新昌縣又擊敗之賊首邵連登
據建昌長興山河角山拒敵復與賊兵連營相應
於界牌鋪景德鎮沉香山馬鞍山等處博爾和率
所部兵連擊敗之遂復建昌屢著功績是年進征
長沙與賊力戰陣亡

恩賜騎都尉世職

承襲詳見
世職表

固英

固英蒙古鑲白旗人姓翁郭里氏世居寧家郭羅

初官佐領事順治十一年隨寧海大將軍都統宜爾德征浙江至舟山破偽英毅伯阮思等康熙十五年復隨安遠靖寇大將軍貝勒尚善征逆藩吳三桂至湖廣擊偽將軍吳應麒於岳州歿於陣

賞銀七百兩

恩賜雲騎尉世職

承襲詳見
世職表

阿玉璽

阿玉璽蒙古鑲白旗人姓吳喇哈濟爾默氏世居

遼河襲父噶爾圖騎都尉職順治七年九年連遇
恩詔加至三等輕車都尉十一月隨寧海大將軍都統宜
爾德征浙江擊敗偽英毅伯阮思於舟山又敗偽
總制陳六御擒斬偽總兵張晉爵獲銀印一十四
年敘功加二等輕車都尉康熙十三年從征耿逆
至江西圍撫州賊出城迎拒擊破之又敗偽都督楊
益茂於七里岡十五年復從擊偽將軍馬寶於陳
岡山戰歿二十五年

恩賜一等輕車都尉世職

承振詳見
世職表

班達壽

班達壽蒙古鑲白旗人護軍校署叅領康熙十四
年八月隨都統噶爾甘出征十五年五月十九日
同將軍佟海擊賊于平陵陣亡

賞卹如例

阿必達

阿必達蒙古鑲白旗人姓烏朗漢濟爾敏氏世居

席拉塔喇任佐領事康熙十三年從征逆藩耿精忠至江西敗賊於鄱陽湖又敗之於鄱陽壩口十五年從定遠平寇大將軍安親王岳樂征吳逆偽帥夏國相於萍鄉縣東之來龍山阿必達力戰陣亡

恩賜雲騎尉世職

承襲詳見世職表

圖爾蒙克

圖爾蒙克蒙古鑲白旗人姓卓齊布楚特氏世居

洪果和碩初任驍騎校順治十五年從征貴州至
十萬崎山遇偽總兵羅大順率兵來拒三敗其衆
十六年至江南值海賊鄭成功等破鎮江瓜州直
犯江寧圖爾蒙克隨副都統噶褚哈戰破之授雲
騎尉康熙十五年從征逆藩吳三桂至湖廣岳州
遇偽將軍吳應麒等戰歿於陣

恩賜雲騎尉世職

承襲詳見
世職表

博爾博遜

博爾博遜蒙古鑲白旗人姓寧佳特氏世居察哈爾康熙十三年以八品官從征耿逆至江西擊賊首朱二陳留音等於鄱陽湖屢敗其衆又敗賊於宜黃縣之東山十五年從定遠平寇大將軍安親王岳樂征逆藩吳三桂擊偽將軍夏國相李良棟等於萍鄉縣破之進攻醴陵力戰陣亡

恩賜騎都尉世職

承襲詳見世職表

巴勤

巴動蒙古鑲白旗人委署護軍校康熙十五年隨
貝勒察尼征湖廣自荊州渡江至太平街遇賊力
戰陣亡

賞卹如例

雅圖

雅圖蒙古鑲白旗人姓杭金氏世居鄂爾多思任
驍騎校康熙十六年隨征南將軍穆占征逆藩吳
三桂至湖廣巖山嶺遇偽將軍馬寶胡國柱等力

戰歿於陣

恩賜雲騎尉世職

承嚴詳見
世職表

翟桑

翟桑蒙古鑲白旗人姓烏里楊嘎氏世居喀喇沁
地方任佐領順治十七年從大兵至緬甸阿娃城
擒偽桂王有功康熙十六年三月隨征南將軍穆
占征逆藩吳三桂於湖廣長沙與偽將軍吳國貴
等力戰陣亡

恩賜雲騎尉世職

承襲詳見
世職表

喜達

喜達蒙古鑲白旗人由領催委署驍騎校駐防

盛京康熙十六年四月二十一日隨江寧將軍額楚
出征至饒州遇敵陣亡

賞卹如例

額思護楞

額思護楞蒙古鑲白旗人姓郭里羅斯氏世居科

爾沁地方以護軍校委署叅領康熙十八年隨定
遠平寇大將軍安親王岳樂征逆藩吳三桂至雙
井堡賊將列象砲拒敵額思護楞力戰陣亡

恩賜雲騎尉世職

承襲詳見
世職表

舍德

舍德蒙古鑲白旗人任驍騎校康熙十三年正月
初十日隨順承郡王勒爾錦征湖廣十八年八月
初八日至長沙府武岡州雙井鋪擊賊力戰陣亡

賞卹如例

齊起克

齊起克蒙古鑲白旗人任護軍校康熙十九年四

月奉

命往江寧府軍前回至中途遇賊被害

恩賜雲騎尉世職

承襲詳見
世職表

博爾百遜

博爾百遜蒙古鑲白旗人任八品官康熙二十一

年十月二十九日用雲梯攻長沙城先登克之至

醴陵擊賊陣亡

賞卹如例

彰柱

彰柱蒙古鑲白旗人姓車莫忒氏世居老哈地方

康熙三十五年從撫遠大將軍伯費揚古征厄魯

特噶爾丹至昭莫多與賊力戰陣亡

恩贈八品官

花色

花色蒙古鑲白旗人任護軍校康熙三十五年隨撫遠大將軍伯費揚古由西路進征厄魯特噶爾丹至昭莫多與賊力戰陣亡

恩賜七品官子七十三襲

本祿

本祿蒙古鑲白旗人姓吳里堪氏世居科爾沁地方由護軍校委署佐領康熙五十七年隨護軍統

領五十八進剿西藏通遇賊盜馬追之至索羅木

中創死

恩賜雲騎尉世職

承襲詳見
世職表

固魯黑

固魯黑蒙古鑲紅旗人姓韓褚氏世居哈爾察地
方任驍騎校康熙十五年八月從寧海將軍貝子
富喇塔敗賊曾養性等於土木嶺進剿半山嶺敗
之養性棄營走直犯黃巖固魯黑追擊之戰歿於

陣

恩賜雲騎尉世職

承襲詳見
世職表

色冷

色冷蒙古鑲紅旗人姓薩爾圖克氏世居察哈爾
地方康熙十四年以三等侍衛隨固山貝子準塔
征逆藩吳三桂至湖廣戰於彝陵州之金丁山中
傷

賞銀五十兩十九年二月又隨準塔進四川至重慶與賊

潭洪力戰於田陣歿

恩賜騎都尉世職

承襲詳見世職表

巴雅爾

巴雅爾蒙古鑲紅旗人襲一等輕車都尉康熙十五年隨征逆藩吳三桂至陝西橫城地方擊偽總兵黃應禮兵敗之又敗賊於益門鎮西南山二十九年從征厄魯特噶爾丹在烏蘭布通地方擊賊歿于陣

恩賜三等男世職

承襲詳見封爵表

瑪第

瑪第蒙古鑲紅旗人姓吳爾杭阿氏世居鄂謨倫地方康熙三十一年由員外郎奉使策旺阿喇布坦至哈密被噶爾丹賊衆掠執不屈被害

恩賜雲騎尉世職

承襲詳見世職表

梭諾穆

梭諾穆蒙古正藍旗人姓吳朗漢機爾敏氏世居

喀喇沁地方任騎都尉其兄包祿以戰功加至二等輕車都尉校諾穆襲其職併為一等輕車都尉兼雲騎尉康熙十三年逆藩吳三桂叛校諾穆從大兵往剿

太皇太后賜馬二弓一銀五十兩軍至湖廣岳州遇偽將吳應麒柯鐸高起龍廖盡忠等引賊四萬來犯校諾穆挺刃越衆三入其營擒斬無算賊環擊之以矢盡歿於陣靈輓旋京師

聖祖仁皇帝遣大臣巴特瑪真忒酒

賜祭奠加世職三等男爵

承襲詳見封爵表

鄂起爾

鄂起爾蒙古正藍旗人姓吳朗漢機爾敏氏世居喀喇沁父圖薩擊流寇陣亡鄂起爾襲騎都尉世職遇

恩詔加一雲騎尉順治十八年從大將軍公愛星阿等追

明桂王至緬甸阿娃城擒之康熙十四年隨征江

西至撫州擊賊兵又敗偽都督楊某兵六萬於七里岡賊帥邵連登由長興引兵來犯又擊敗之遂復建昌十五年吳逆偽將軍夏國相李良棟等駐兵於萍鄉縣之東來龍山鄂起爾率本旗兵擊破其衆夏國相遁復萍鄉是年冬隨定遠平寇大將軍安親王岳樂率師圍長沙賊兵出南門拒戰鄂起爾奮勇衝擊中傷殁

恩賜一等輕車都尉世職

承襲詳見世職表

綽洛泰

綽洛泰蒙古正藍旗人姓博羅忒氏世居喀喇沁
初任佐領駐防杭州康熙十三年從將軍穆占征
湖廣敗賊於尚望坪十五年耿逆偽將馬九玉等
屯聚衢州總督李之芳與平南將軍賴塔遣兵援
剿敗賊於大溪灘進兵收復江山縣綽洛泰隨副
都統倭申巴圖魯力戰歿於陣

恩賜雲騎尉世職

承襲詳見
世職表

寨色岱

寨色岱蒙古正藍旗人姓西爾德特氏世居喀喇沁順治十五年從副都統噶褚哈等征雲南十六年凱旋至江南攻海賊鄭成功於江寧三敗其衆叙功授雲騎尉康熙三年從定西將軍圖海等征湖廣流賊李永亨破茅麓山十五年從征逆藩吳三桂擊偽將軍吳國賓於長沙陣亡

恩賜雲騎尉世職

永襲詳見世職表

庫蘇纍

庫蘇纍蒙古正藍旗人姓甕科特氏世居扎魯特
任護軍校康熙十三年正月隨多羅順承郡王勒
爾錦出征至荊州征南將軍穆占選勇健與馬十
六年至永興與賊帥馬寶力戰陣亡

恩賜雲騎尉世職

承襲詳見
世職表

格德

格德蒙古正藍旗人任八品官初隨征逆藩吳三

桂至江西湖廣屢敗賊衆康熙十六年三月隨征
南將軍穆占抵長沙與偽將軍吳國貴等力戰負
重傷歿

恩賜雲騎尉世職

承襲詳見
世職表

薩爾查

薩爾查蒙古正藍旗人姓魏古特氏世居鄂爾多
素地方任佐領兼管火器營事康熙十三年隨寧
南靖寇大將軍順承郡王勒爾錦征逆藩吳三桂

十七年六月至湖廣隨總督蔡毓榮等擊賊將杜
輝已養元於洞庭湖中斃死

恩賜騎都尉世職

承襲詳見
世職表

烏喇海

烏喇海蒙古正藍旗人姓諾勒忒氏世居巴林地
方由七品官於康熙十三年隨寧南靖寇大將軍
順承郡王勒爾錦征逆藩吳三桂十八年十月至
長沙府七里臺遇敵力戰陣亡

恩賜雲騎尉世職

承襲詳見
世職表

巴郎

巴郎蒙古正藍旗人任副護軍校康熙二十九年
隨和碩裕親王福全征厄魯特噶爾丹八月初一
日戰於烏蘭布通自晨至夕力竭陣亡

賞卹如例

克什圖

克什圖蒙古正藍旗人任防守尉駐防西安康熙

五十七年隨侍郎色楞進藏遇賊力戰歿

恩賜雲騎尉世職

承襲詳見世職表

和貝

和貝蒙古鑲藍旗人姓巴林氏世居喀喇沁康熙十五年以雲騎尉從撫遠大將軍大學士圖海征從逆提督王輔臣至平涼賊率衆萬餘拒戰且嚴脩固守和貝隨擊大敗之又擊賊於峯高嶺負重傷而歿

恩賜騎都尉世職

承襲詳見
世職表

古魯什布

古魯什布蒙古鑲藍旗人姓巴岳特氏世居察哈爾地方任驍騎校康熙十七年從討逆將軍鄂內征逆藩吳三桂至湖廣岳州與賊將吳應麒等力

戰陣亡

恩賜雲騎尉世職

承襲詳見
世職表

查漢岱

查漢岱蒙古鑲藍旗人姓塔喇巴齊克氏世居土默特地方世襲佐領康熙十三年從征逆藩吳三桂至江西南康擊敗賊衆四千七年至廣東與叛賊馬雄祖澤清等戰於桂嶺頭陣亡

恩賜三等輕車都尉世職

承襲詳見世職表

巴黨錫

巴黨錫蒙古鑲藍旗人姓薩魯特氏世居敖漢地方康熙十三年以驍騎校從征逆藩吳三桂至湖

廣偽將軍吳應麒奏進忠馬寶等率七萬餘衆拒
於岳州已黨錫隨貝勒察尼擊敗之十六年隨安
親王岳樂擊偽將軍吳國貴等於長沙歿於陣二
十五年八月

恩賜雲騎尉世職

承襲詳見
世職表

珠瑪拉

珠瑪拉蒙古鑲藍旗人姓薩拉圖氏世居查魯特
地方任騎都尉委署叅領康熙二十九年從撫遠

大將軍裕親王福全征厄魯特噶爾丹至烏蘭布
通與賊力戰歿于陣

恩賜騎都尉加一雲騎尉世職

承襲詳見
世職表

阿哈齊

阿哈齊蒙古鑲藍旗人任前鋒校康熙二十九年
隨裕親王福全征厄魯特噶爾丹擊賊於烏蘭布
通陣亡

恩賜雲騎尉世職

承襲詳見
世職表

拔布德

拔布德蒙古鑲藍旗人姓把孫氏世居克西克騰
署前鋒校康熙二十九年隨裕親王福全征厄魯
特噶爾丹遇賊於烏蘭布通戰歿

賞卹如例

色楞端柱

色楞端柱蒙古鑲藍旗人姓齊默特氏世居喀喇
沁地方以前鋒康熙三十五年隨撫遠大將軍伯

費揚古由西路進兵征厄魯特噶爾丹至昭莫多
與賊力戰陣亡

恩賜七品官

博隆塔特

博隆塔特蒙古鑲藍旗人任護軍叅領康熙三十
五年隨征勒噶爾丹擊賊于昭莫多力戰陣亡

恩賜雲騎尉世職

承襲詳見
世職表

阿喇納

阿喇納蒙古鑲藍旗人康熙三十五年以佐領隨
裕親王福全征厄魯特噶爾丹擊賊於烏樂木蘓

陣亡

恩賜雲騎尉世職

承襲詳見
世職表

欽定八旗通志卷二百二十六